

Kahlolelo ya kgorotsheko ya mabapi le 'molawana wa phetišo' le maikarabelo a sekoloto sa dipelo tša matlotlo ka go kago ya Therasete ya dikamano tša katišo e raraganeng

Tshwane, 08 Oktobore 2024 – Khomišinare wa Ditirelo tša Motšhelo tša Afrika Borwa (SARS) o amogetše kahlolelo ya Kgorotsheko ya Molaotheo yeo e ahloletšwego ka la 02 Oktobore 2024 ke Kgorotsheko ya Molaotheo mabapi le molato wa *The Thistle Trust* kgatlhanong le Khomišinare wa SARS. Molato o mabapi le tirišo ya 'molawana wa phetišo' go dipelo tša matlotlo ge di abelwa go kago ya Therasete ya katišo ka ngwaga o tee wa motšhelo. Kgorotsheko ya Molaotheo e ahlotše ka kgaugelo ya kgopelo ya SARS ya dipeelo tša melawana ya maikarabelo a sekoloto sa motšhelo sa molefela motšhelo, e lego *Thistle Trust*.

The Thistle Trust, Therasete e phelang ya *inter vivos*, e be e le ya baholegi ba lesome ba Ditherasete tša boikgethelo. Mo mengwageng ya motšhelo ya 2014, 2015 le 2016 Ditherasete tša boikgethelo di itemogetše dipelo tša matlotlo morago ga go rekiša dithoto tša matlotlo le go abela dipelo tše di hweditšwego go *Thistle Trust*, yeo e abetšego dipelo tše go baholegi ba yona mo mengwangeng yeo ya motšhelo. Therasete ga se e tsebagatše dipelo tša matlotlo go dipušetšo tša motšhelo wa letseno; eupša, baholegi ba yona ba tsebagaditše dipelo tša matlotlo ebile ba lefetše metšhelo ya dipelo tša matlotlo go dipelo tše.

SARS e dirile tekolo kgatlhanong le *Thistle Trust* ya mengwaga yeo e laeditšwego ka godimo bakeng sa dipelo tša matlotlo tše di tswaletšego go *Thistle Trust*. SARS e dirile dikotlo tša 50% tša go se laodiše ka botlalo gomme e laetše *Thistle Trust* go lefela tswala go sekoloto sa motšhelo seo se šaletšego. *Thistle Trust* e ganane le tekolo ka theo ya gore *Thistle Trust* ebe šoma fela fetiša tshepetšo ya dipelo tša baholegi ba yona, go ya ka molaotlwaelwa le Molao wa Motšhelo wa Letseno ka nako yeo, e e e tšhelelwa ka fase ga maikarabelo a baholegi fela. Kganano e ile ya se dumelelwe.

Thistle Trust e ile ya itebanya le Kgorotsheko ya Motšhelo yeo e gaugetšego Therasete. SARS e ile ya ipeletša go Lekgotlakgolo le le Phagameng la Boipiletšo (SCA). SCA e ile ya beelathoko taelelo ya Kgorotsheko ya Motšhelo ka ge e šomile ka morero wa sekoloto a motšhelo gomme ya swarelela ka gore molawana wa phetišo ga se o dirišwe go *Thistle Trust*, le gore Therasete e be e na le maikarabelo a motšhelo wa dipelo tša matlotlo. Le ge go le bjalo, e swaretše kganano ya *Thistle Trust* ka morero wa go beela kotlo ya go se laodiše ka botlalo. Ga go ditefišo tše di laeditšwego.

The Thistle Trust e dirile boipiletšo go Kgorotsheko ya Molaotheo ka morero wa maikarabelo a motšhelo wa yona. Karolo e kgolo ya kahlolelo e ganane boipiletšo bja *Thistle Trust* ya mabapi le maikarabelo a yona a motšhelo. Kgopelo ya SARS ya

depeelano tša peelothoko ya boipiletšo go morero wa go lefiša dikotlo tša go se laodiše ka botlalo e ile ya ganwa ka ge Kgorotsheko ya Molaotheo e hweditše gore e be e se dikgahlego tša toka gore kgorotsheko e dule bjale ka kgorotsheko ka sebaka sa mathomo le sa mafelelo go šomana le morero wa semolao wo o ka se be le mohola go poelo ya boipeletšo. Pele e fihla sephethong se, kgorotsheko e hweditše gore maemo a motšhelo ao a tšeerwego ke *Thistle Trust* a dirilwe ka keletšo ya semolao gape le gore a be a sa kwafale fela, eupša a swareletšwe ka kahlolelo ya go kwagala ya Kgorotsheko ya Motšhelo. Go tšwelapele, ngangišano e tšweleditšwe pele ke SARS mabapi le go hloka hlokomelo ya maleba ya go tlatša pušetšo go tla dira gore SARS e fetišetše maemo go taolelo yeo e ka fanago ka hlathollo e kaone ya molao wa motšhelo. Kgorotsheko e nyaga go fa taelo ya tefišo kgahlanong le SARS go morero wa kotlo ya go se laodiše ka botlalo. SARS e hlompha taelelo ya kgorotsheko gape e tšwelapele go utulla kheraetheria yeo dikotlo tša go se laodiše ka botlalo e theilwego le go fana ka hlathollo e ntši mabapi le se.

Khomišinare wa SARS, Mrn. Edward Kieswetter, o boletše gore “kahlolelo ye e tiišetša sephetho sa maleba sa SARS sa go lefiša maikarabelo a motšhelo go Therasete go kago ya katišo ya Ditherasete. Go tlaleletša, kahlolelo e tšwelapele go fana ka hlathollo le tiišetšo ya ka fao dipoele tša matlotlo tšeo di abelwago ke Therasete go baholegi e swanetšego go swarwa ka gona ke Batshephiwa mo maamong a go swana”.

Kahlolelo ka botlalo ya [The Thistle Trust v Commissioner for the South African Revenue Service \(concourt.org.za\)](http://TheThistleTrust.com)).

Go hwetša tshedimošo enngwe, ka kgopelo ikgokaganye le SARS go SARSMedia@sars.gov.za